

ХҮНД ДААЦЫН АВТО ТЭЭВРИЙН ХЭРЭГСЭЛ БОЛОН ТУСГАЙ ЗОРИУЛАЛТЫН МАШИН МЕХАНИЗМЫН ДААТГАЛЫН ГЭРЭЭ

Гэрээний дугаар № PM0031442 24/24

БАТЛАВ:

Даатгагчийн төлөөлж:

“АТЭХЭХАТГАТ ХХК-ийн
ГҮЙЦЭТГЭХ ЗАХИРАЛ

Д.ДОЛГОР



ACULA

Даатгуулагчийг төлөөлж:

“ТИ ТИ ЖИ ВИ СИ ӨҮ” ХХК-ийн
ГҮЙЦЭТГЭХ ЗАХИРАЛ

TTJVCO
WANG QING CHANG



ГЭРЭЭНИЙ ТУСГАЙ НӨХЦӨЛ

2024 оны 07-р сарын 31-ний өдөр

№ РМ0031442 24/24

Улаанбаатар хот.

ДААТГАЛЫН ХЭЛБЭР:

Хүнд Даацын Авто тээврийн Хэрэгсэл болон Тусгай Зориулалтын Машин Механизмын Даатгал

ДААТГАГЧ:

“АГУЛА ДААТГАЛ” ХХК

ДААТГУУЛАГЧ:

“ТИ ТИ ЖИ ВИ СИ ӨҮ” ХХК болон Ерөнхий гэрээнд холбогдох эрх, ашиг сонирхол нь тодорхойлогдсон Удирдлага болон Операторын үүрэг гүйцэтгэж буй охин компани, хамаарал бүхий компани, охин болон толгой компани, хамтын ажиллагааны байгууллага, консорциумууд хамаарна.

НЭМЭЛТ ДААТГУУЛАГЧ:

“СИ АР НАЙНТЭЭН БЮРО МОНГОЛИА” ХХК

ХАЯГ, БАЙРШИЛ:

Монгол Улс, Улаанбаатар хот, Хан-Уул дүүрэг, 18-р хороо, Их Монгол Улсын гудамж 17011, Моннис Бюлдинг 6-р давхар.

ДААТГАЛЫН ЗҮЙЛ:

Энэхүү гэрээний хавсралтад нэг бүрчлэн дурдсан хүнд даацын авто тээврийн хэрэгсэл С, С1, Е (хагас чиргүүл, чиргүүл) болон Тусгай зориулалтын машин механизм (М) нь даатгалын зүйл байна.

Үндсэн даатгуулагчийн ашиглалт, эзэмшил, өмчлөл болон Нэмэлт даатгуулагчийн өмчлөлд буй энэхүү гэрээнд заасан хөрөнгүүдэд учирсан даатгалын эрсдэлээс үүдэн гарах хохирол нь энэхүү гэрээгээр хамгаалагдана.

ДААТГАЛЫН ХАМГААЛАЛТ:

Гэрээнд заагдсан эрсдэлээс хамгаална.

ГЭРЭЭНИЙ ХУГАЦАА:

2024 оны 07 сарын 31-ний өдрөөс

2025 оны 07 сарын 30-ны өдрийн 24:00 цаг хүртэл хүчин төгөлдөр байна.

ДААТГАЛЫН ҮНЭЛГЭЭ:
189,367,941,492.58₮

100% зах зээлийн үнэлгээгээр үнэлсэн.

ДААТГАЛЫН ХУРААМЖИЙН ХУВЬ:

0.20%

Хураамжийн дүн: **375,286,087.27₮**

/ 1 жилээс богино хугацааны даатгалын хураамжийг гэрээний хоногоор буюу pro-rata хэлбэрээр тооцно.

(Даатгалын жилийн хураамж / 365 хоног) * ашиглах хоног /

ТӨЛБӨРИЙН НӨХЦӨЛ:

Даатгуулагч нь хураамжийг дараах хуваарийн дагуу төлнө.

Хуваарьт төлөлт	Төлөх хураамжийн дүн /төг/	Төлөлт хийх огноо
Эхний төлөлт	187,643,043.64₮	2024.07.31
2 дах төлөлт	187,643,043.64₮	2024.12.15

1.Энэхүү гэрээний төлбөрийн нөхцөлд заасан эхний хуваарьт төлбөр бүрэн төлөгдсөн тохиолдолд даатгалын хураамж төлөгдөж эхэлсэн гэж үзэн даатгалын гэрээ хүчин төгөлдөр үйлчлэх бөгөөд эхний хуваарьт төлбөр бүрэн төлөгдсөн боловч хоёр дахь хуваарьт төлбөр



төлөх хугацаа болоогүй байхад даатгалын тохиолдол гарвал даатгагч нь нөхөн төлбөрийг 100% бүрэн олгоно.
2. Эхний хуваарьт төлбөр бүрэн төлөгдсөн боловч дараагийн хуваарьт төлбөр гэрээнд заасан хугацаанд төлөгдөөгүй эсхүл бүрэн төлөгдөөгүй байх үед даатгалын тохиолдол гарвал харилцагчийн төлбөр төлөөгүй хүндэтгэн үзэх шалтгааныг и-мэйл эсвэл албан тоотыг үндэслэн төлбөрийн хуваарьт хугацааг сунган даатгалын нөхөн төлбөрийг даатгагч нь 100% бүрэн олгоно.

ХАРИУЦЛАГЫН ХЯЗГААР:

Гэрээний жилийн хугацаанд авах нөхөн төлбөрийн хязгаар – 20 сая ам.доллар.
Нэг удаагийн тохиолдлын нөхөн төлбөрийн хязгаар –10 сая ам.доллар.

ДААТГУУЛАГЧИЙН ӨӨРИЙН ХҮЛЭЭХ ХАРИУЦЛАГА:

Байхгүй.

ХУУЛЬ ЭРХ ЗҮЙ:

Монгол Улсын холбогдох хууль, дүрэм журмыг баримтална.

ГАЗАР НУТГИЙН ХЯЗГААР:

Монгол Улс.

ЗУУЧЛАГЧ:

“Эс Ай Би Эс” ХХК

НЭМЭЛТ ХАМГААЛАЛТ:

1. Хүнд даацын авто тээврийн хэрэгсэл болон Тусгай зориулалтын машин механизмд тохиолдол гарсан үед хохирол үнэлгээ шаардахгүй бөгөөд албан ёсны дилер эсхүл засварын төвийн нэхэмжлэхэд үндэслэн, элэгдэл хорогдол тооцохгүй full replacement value-аар нөхөн төлбөр олгох;
2. Даатгалын тохиолдлын улмаас даатгалын зүйлд учирсан хохирлыг засварлах, солих, нөхөн сэргээхтэй холбоотойгоор бараа материал, үйлчилгээ авахтай холбогдон гарсан Импорт, Гаалийн татвар, тээврийн зардал, даатгал гэх мэт Даатгуулагчид учирсан ижил төстэй зардлуудыг Даатгагч нөхөн төлнө.
3. Даатгалын тохиолдол болсон үед хохирлын цар хүрээг буруулах зорилгоор авсан арга хэмжээтэй холбогдох зардлыг Даатгагч нөхөн төлнө.
4. Гэрээний хугацаанд нөхөн төлбөр олголт болон хураамжийн шилжүүлгийг гэрээ байгуулах үеийн Монгол Банкны албан ханшаар тооцно.
5. Хохирлыг цагдаагийн байгууллагын тодорхойлолт үзлэг шаардахгүйгээр даатгуулагчийн акт, засварын баримт, нэхэмжлэхийг үндэслэн олгоно.
6. Даатгалын зүйл нь нэмэлт даатгуулагчийн өмчлөлд байхаас үл хамааран эрсдэл учирсан тохиолдолд нөхөн төлбөр хүлээн авагч нь “ТИ ТИ ЖИ ВИ СИ ӨҮ” ХХК байх бөгөөд нэмэлт даатгуулагчаас аливаа албан бичиг, худалдах худалдан авах гэрээ зэрэг аливаа нэмэлт бичиг баримт шаардахгүй. Энэхүү хамгаалалт нь жолоочийн хариуцлагын албан журмын даатгалд мөн адил үйлчилнэ.

ГЭРЭЭ БАЙГУУЛСАН:

Даатгагчийн төлөөлж:
“АГУЛА ДААТГАЛ” ХХК-ИЙН
Байгууллагын бизнесийн хэлтсийн захирал
У.Тэмүүжин

/...../



Даатгуулагчийг төлөөлж:
“ТИ ТИ ЖИ ВИ СИ ӨҮ” ХХК-ИЙН
Гүйцэтгэх захирал
WANG QING CHANG

/...../



Зуучлагчийг төлөөлж:
“ЭС АЙ-БИ ЭС” ХХК-Н
Гүйцэтгэх захирал
А.Ариунзаяа

/...../



ХҮНД ДААЦЫН АВТОТЭЭВРИЙН ХЭРЭГСЭЛ БОЛОН ТУСГАЙ ЗОРИУЛАЛТЫН МАШИН МЕХАНИЗМЫН ДААТГАЛЫН ГЭРЭЭНИЙ ҮНДСЭН НӨХЦӨЛ

НЭГ. ЕРӨНХИЙ ЗҮЙЛ

- 1.1. Энэхүү даатгалын гэрээгээр (цаашид “Гэрээ” гэх) Даатгуулагч Гэрээнд заасан даатгалын зүйлээ даатгуулж, даатгалын хураамжийг гэрээгээр тохирсон хугацаанд нь бүрэн төлөх, Даатгагч нь даатгалын тохиолдолд учирсан хохирлыг Гэрээнд заасан нөхцөл болзлын дагуу нөхөн төлөхтэй холбоотой харилцааг зохицуулна.
- 1.2. Тусгай зориулалтын машин механизмын даатгалын гэрээ нь гэрээний тусгай нөхцөл, үндсэн нөхцөл болон гэрээний хавсралтуудаас бүрдэнэ.
- 1.3. Гэрээний тусгай нөхцөл нь тусгай зориулалтын машин механизмын даатгалын гэрээний үндсэн нөхцөлөөс өөрөөр заасан бол тусгай нөхцөлийн заалтыг дагаж мөрдөнө.
- 1.4. Даатгагч, Даатгуулагч талууд (цаашид хамтад нь “Талууд” гэх) Гэрээг хэрэгжүүлэхдээ Монгол Улсын үндсэн хууль, Иргэний хууль, Даатгалын тухай хууль болон холбогдох бусад хууль тогтоомжийг дагаж мөрдөнө.
- 1.5. Гэрээг Монгол болон гадаад хэл дээр үйлдсэн нөхцөлд Монгол хэл дээрх гэрээг мөрдөх ба монгол хэл нь гэрээний агуулга, тайлбартай холбоотой аливаа асуудлыг шийдвэрлэхэд ашиглах хэл байна.

ХОЁР. НЭР ТОМЬЁОНЫ ТАЙЛБАР

- 2.1 Гэрээнд дурдагдсан дараах нэр томьёог дор дурдсан утгаар ойлгоно. Үүнд:
 - 2.1.1 **“Даатгагч”** гэж Даатгалын тухай хуулийн дагуу даатгалын үйл ажиллагаа эрхлэх тусгай зөвшөөрөл авсан “АГУЛА Даатгал” ХХК-ийг;
 - 2.1.2 **“Даатгуулагч”** гэж өөрийн ашиг сонирхлын төлөө даатгалын зүйлээ даатгуулж, даатгагчтай гэрээ байгуулсан иргэн, хуулийн этгээд болон Ерөнхий гэрээнд холбогдох эрх, ашиг сонирхол нь тодорхойлогдсон Удирдлага болон Операторын үүрэг гүйцэтгэж буй компани, охин компани, хамаарал бүхий компани, охин болон толгой компани, хамтын ажиллагааны байгууллага, консорциумууд;
 - 2.1.3 **“Даатгалын зүйл”** гэж даатгуулагчийн өмчлөл, эзэмшил, ашиглалтад буй гэрээний хавсралтад заасан хүнд даацын авто тээврийн хэрэгсэл болон тусгай зориулалтын машин механизмуудыг;
 - 2.1.4 **“Даатгалын эрсдэл”** гэж Даатгалын зүйлд хохирол учруулж болох гэрээнд заасан эрсдэлүүдийг;
 - 2.1.5 **“Даатгалын тохиолдол”** гэж даатгуулсан зүйлд гэрээнд заагдсан эрсдэлийн улмаас учирсан хохирол, тохиролцсон болзол бүрдэхийг;
 - 2.1.6 **“Даатгалын үнэлгээ”** гэж талууд харилцан тохиролцож тогтоосон мөнгөн илэрхийллийн хэмжээг хэлэх бөгөөд мөн дор дурдсаны дагуу ойлгоно. Үүнд:
 - 2.1.6.1 **“Даатгалын зүйлийн үнэлгээ”** гэж даатгагдсан зүйлийн мөнгөн илэрхийлэл ба энэ гэрээний Хавсралт №1-д заасан зах зээлийн үнийг;
 - 2.1.6.2 **“Даатгалын гэрээний нийт үнэлгээ”** гэж даатгалын зүйлийн үнэлгээний нийлбэр ба даатгалын үндсэн нөхцөлд заасан дүнг;
 - 2.1.6.3 **“Даатгалын хураамж”** гэж даатгалын зүйлээ даатгуулсны төлөө даатгагчид төлөх төлбөрийг;
 - 2.1.6.4 **“Даатгалын зүйлийн хураамж”** гэж даатгалын зүйлийг даатгуулсны төлбөр ба энэ гэрээний Хавсралт №1-д заасан дүнг;
 - 2.1.6.5 **“Даатгалын гэрээний нийт хураамж”** гэж даатгалын зүйлийн хураамжийн нийлбэр ба даатгалын үндсэн нөхцөлд заасан дүнг;
 - 2.1.7 **“Даатгалын нөхөн төлбөр”** гэж даатгалын тохиолдол үүссэн нөхцөлд даатгагчаас даатгуулагчид гэрээний дагуу олгох мөнгөн хөрөнгийг;
 - 2.1.8 **“Өөрийн хүлээх хариуцлага”** гэж даатгалын тохиолдол бий болсон нөхцөлд даатгалын зүйлд учирсан хохирлоос даатгуулагчийн хариуцах хэсгийг;
 - 2.1.9 **“Хүндэтгэн үзэх шалтгаан”** гэж давагдашгүй хүчин зүйлс, хүнд нөхцөл байдал зэрэг талуудын хүсэл зоригоос үл хамааран гэрээний эрх, үүргийг хэрэгжүүлэх боломжгүй нөхцөл байдал үүссэнийг;
 - 2.1.10 **“Тусгай зориулалтын машин механизм”** гэж (М) ангиллын өөрөө явдаг машин механизм, тэдгээрийн чиргүүл буюу ажлын тоног төхөөрөмжтэй бүрэлдэхүүн;
 - 2.1.11 **“Хүнд даацын авто тээврийн хэрэгсэл”** гэж тусгай зориулалтын авто замын тээвэрлэлтэд ашиглах бүх төрлийн авто тээврийн хэрэгсэл (С,С1,Е ангиллын хүнд даацын тээврийн хэрэгсэл,хагас чиргүүл, чиргүүл нь даатгалын зүйл байна);

- 2.1.12 “**Бүрэн сүйрэл**” гэж даатгалын зүйлийг нөхөн сэргээх боломжгүй эсхүл нөхөн сэргээх зардал нь даатгалын зүйлийн зах зээлийн үнийн 80 (наян) хувь ба түүнээс дээш хувиар тооцоологдсон хохирлыг;
- 2.1.13 “**Хэсэгчилсэн сүйрэл**” гэж даатгалын зүйлийн сүйрсэн хэсгийг нөхөн сэргээх зардал нь даатгалын зүйлийн зах зээлийн үнийн 80 (наян) хувь хүртэлх хэмжээгээр тооцоологдсон хохирлыг;
- 2.1.14 “**Нөхөн сэргээх үнэлгээ**” гэж даатгалын тохиолдлын улмаас нөхөн төлбөр олгож, анх даатгасан үеийн даатгалын зүйлийн үнэлгээ буурсан үед талууд харилцан тохиролцож даатгалын зүйлийн үнэлгээг дахин сэргээхийг;
- 2.1.15 “**Нөхөн сэргээх зардал**” гэж даатгалын зүйл нөхөн сэргээгдэх, засварлагдахад гарах шууд зардлыг;
- 2.1.16 “**Элэгдэл**” гэж даатгалын зүйл нь хэвийн ашиглалтын явцад зөвхөн хугацаанаас хамааран хорогдсон өртгийг;
- 2.1.17 “**Зам тээврийн осол**” гэж тээврийн хэрэгсэл нь авто тээврийн хэрэгсэл зорчиход зориулан барьсан хатуу, хайрган хучилттай зам, гудамж, засаж сайжруулсан болон шороон зам, замын хөдөлгөөний нээлттэй зурвас газар болон уурхайн орчинд замын хөдөлгөөнд оролцон явж байх үедээ зам тээврийн осолд орохыг;
- 2.1.18 “**Баталгаат бүс зам**” гэж газар товчлон гарамгүй газраар гол гатлах, гол, нуурын хөлдсөн мөсөн дээгүүр явах, жалга, гуу гатлах зэрэг үеийг ойлгоно. /Үүнд: Уурхай орчны зам хамаарахгүй./
- 2.1.19 “**Эрх бүхний байгууллага**” гэж Даатгалын зүйлд хохирол учирсан нөхцөлд хуулийн дагуу тухайн тохиолдлыг шалгах, шийдвэрлэх байгууллага, алба тушаалтныг;
- 2.1.20 “**Нэн даруй**” гэж 72 цагийн дотор мэдэгдэхийг;

ГУРАВ. ДААТГАЛЫН ЗҮЙЛ

- 3.1 Энэхүү гэрээний хавсралтад нэг бүрчлэн дурдсан Хүнд даацын тээврийн хэрэгсэл (С) болон Тусгай зориулалтын машин механизм (М) ангилал нь даатгалын зүйл байна.
- 3.2 Даатгуулагчийн хүсэлт гаргаснаар хоёр тал харилцан тохиролцож машин механизмд анх үйлдвэрээс суурилуулсан иж бүрдэлд ороогүй, шинээр суурилуулсан нэмэгдэл тоног төхөөрөмжийг нэмэлтээр даатгуулсан бол тэдгээр нь даатгалын зүйл болно.

ДӨРӨВ. ДААТГАЛЫН ЭРСДЭЛ

- 4.1. Даатгалын зүйлийг дор дурдсан эрсдэлээс даатгана.
 - 4.1.1 **Ажил үүргээ гүйцэтгэж байх үеийн эрсдэл:**
 - 4.1.1.1 Зам тээврийн осол;
 - 4.1.1.2 Онхолдох, хоорондоо мөргөлдөх, биет зүйл мөргөх, шарваж гулсах;
 - 4.1.1.3 Элдэв биет зүйлд цохиулах, цохих;
 - 4.1.1.4 Ухрах, зогсох, байрлуулах үйлдэл хийх үед учрах хохирол;
 - 4.1.1.5 Газрын нурулт, хөрс чулууны нурулт, цөмрөлтөд өртөх;
 - 4.1.1.6 Байгалийн бүх төрлийн эрсдэл;
 - 4.1.1.7 Бүх төрлийн эх үүсвэрээс үүдэлтэй гал түймэр, уугилт, тэсрэлт, дэлбэрэлт;
 - 4.1.2 **Автогтаж, зогсоол, талбайд хадгалагдах үеийн эрсдэл:**
 - 4.1.2.1 Бүх төрлийн эх үүсвэрээс үүдэлтэй гал түймэр, тэсрэлт, дэлбэрэлт;
 - 4.1.2.2 Зогсоол талбай буюу гаражид зогсож байх үед биет зүйл мөргөх, шүргэх, цохих, цохиулах, сантехникийн осол;
 - 4.1.2.3 Барилгын нурулт, элдэв зүйл дээрээс унах, үсрэх;
 - 4.1.2.4 Байгалийн бүх төрлийн эрсдэл;
 - 4.1.3 **Бусад эрсдэл:**
 - 4.1.3.1 Ачигдсан байх үед гарах эрсдэл;
 - 4.1.3.2 Тээвэрлэлтийн явцад тээвэрлэж буй автомашины техникийн гэнэтийн ослын улмаас даатгалын зүйлд учрах хохирол;
 - 4.1.3.3 Тээврийн замын нөхцөлөөс шалтгаалж машин механизм гулгах, шарвах, онхолдох зэргээс шалтгаалж даатгалын зүйлд учрах хохирол;
 - 4.1.4 **Нэмэлт эрсдэл:**
 - 4.1.4.1 Хүнд даацын тээврийн хэрэгсэл болон Тусгай зориулалтын машин механизмын засвар үйлчилгээг албан ёсны дистрибьютер компанийн үнийн саналаар эсхүл Компанийн засварын төвөөс гаргасан үнээр засварлах /НӨАТ багтсан дүнгээр/;
 - 4.1.4.2 Даатгалын зүйлийг ашиглах болон ашиглаагүй зогсоолд байх үеийн бүх төрлийн шил хагарах, цуурах, биет зүйл үсрэх эрсдэл;

- 4.1.4.3 Дугуйнаас үүдэн гарах эрсдэл;
- 4.1.4.4 Операторын буруутай үйлдэл, эс үйлдлээс үүссэн эрсдэл;
- 4.1.4.5 Гуравдагч этгээдийн учруулсан хохирол;
- 4.1.4.6 Хулгайн эрсдэл;
- 4.1.4.7 Ажилтны хариуцлага алдсанаас үүдэх эрсдэл;
- 4.1.4.8 Ажилтны хэт хайхрамжгүй болон санамсар болгоомжгүй үйлдлээс үүдэх эрсдэл;
- 4.1.4.9 Мал, амьтны учруулсан хохирол;

ТАВ. ДААТГАЛЫН ҮНЭЛГЭЭ, ХУРААМЖИЙН ХЭМЖЭЭ.

- 5.1 Даатгалын үнэлгээг даатгалын зүйл тус бүрээр талууд харилцан тохирч тухайн үеийн зах зээлийн үнийг баримтлан тогтооно.
- 5.2 Даатгалын үнэлгээ нь даатгалын зүйлийн зах зээлийн үнэлгээнээс илүү бол зах зээлийн үнэлгээнээс илүү гарсан хэсгээр даатгал хүчин төгөлдөр бус байна.
- 5.3 Даатгалын үнэлгээ нь даатгалын зүйлийн зах зээлийн үнэлгээнээс бага бол даатгалын тохиолдол бий болоход зах зээлийн үнэлгээнд даатгалын үнэлгээний хэмжээг хувь тэнцүүлэн нөхөн төлбөр олгоно.
- 5.4 Даатгалын нөхөн төлбөр олгосон хэмжээгээр даатгалын зүйлийн үнэлгээ буурах бөгөөд даатгуулагч зохих хураамжийг нөхөн төлснөөр даатгалын үнэлгээг сэргээж болно.
- 5.5 Даатгуулагч хураамжийг хуваариар төлөхөөр тохиролцсон үед хураамжаа хуваарийн дагуу төлөөгүй, хугацаа хэтрүүлсэн байхад даатгалын тохиолдол бий болсон бол даатгуулагчийн төлсөн хураамжид ногдох үнэлгээнээс нөхөн төлбөрийг тооцож олгоно;
- 5.6 Хэрэв даатгуулагчийн санхүүгийн байдал, үүсэж болзошгүй хүндэтгэн үзэх шалтгаанаар хуваарьт төлбөр хогорсон бол энэ тухайгаа 72 цагийн дотор даатгагчид албан байдлаар мэдэгдэнэ. Энэхүү мэдэгдэлдээ хуваарийн өөрчлөлтийг тусгасан байх ба дараагийн хуваарьт төлбөрөөс 14 хоногийн өмнө төлөгдөх нөхцөлтэй байна.
- 5.7 Даатгуулагч гэрээнд заагдсан хураамжийг гэрээний төлбөр төлөх нөхцөлийн дагуу Даатгагчийн Хаан Банкин дахь төгрөгийн 5125097618 тоот дансанд шилжүүлнэ.
- 5.8 Гэрээнд талуудын эрх бүхий этгээд гарын үсэг зурж, тогтоосон хугацаанд гэрээнд заасан дүнгээр даатгалын хураамж төлөгдсөнөөр гэрээ хүчин төгөлдөр үйлчилж эхэлнэ.

ЗУРГАА. ДААТГАЛЫН ГЭРЭЭ, ХУГАЦАА, ГЭРЭЭ ДУУСГАВАР БОЛОХ НӨХЦӨЛ.

- 6.1 Даатгалын гэрээ дараах тохиолдолд дуусгавар болно.
 - 6.1.1 Гэрээгээр тогтоосон хугацаа дуусгавар болсон;
 - 6.1.2 Талуудын аль нэг нь дампуурсан, татан буугдсан;
 - 6.1.3 Шүүх гэрээг хүчин төгөлдөр бус гэж тооцсон;
 - 6.1.4 Даатгалын зүйл шүүхийн шийдвэрээр хураагдсан;
 - 6.1.5 Гэрээнд заасан хугацаанаас өмнө гэрээг дуусгавар болгохоор талууд тохиролцсон;
 - 6.1.6 Даатгагч гэрээгээр хүлээсэн даатгалын үнэлгээний хязгаарт багтаан нөхөн төлбөр олгох үүргээ бүрэн биелүүлсэн;
 - 6.1.7 Даатгалын зүйл даатгалын тохиолдлоос бусад тохиолдлоор устаж үгүй болсон;
 - 6.1.8 Хоёр талын аль нэг нь гэрээг цуцлах тухай санаачлага гаргаж болох бөгөөд нөгөө талдаа мэдэгдсэнээс хойш 1 сарын дотор гэрээг цуцална.
- 6.2 Талууд даатгалын гэрээг хугацаанаас өмнө цуцалсан тохиолдолд үлдсэн хугацаанд ногдох хураамжаас тухайн даатгалтай холбогдсон зардлыг хасаж, үлдэх хэсгийг даатгуулагчид эргүүлэн олгоно. Даатгалын зүйл нөхөн төлбөр авсан болон 9 сараас дээш хугацаа өнгөрсөн тохиолдолд тухайн даатгалын зүйлд буцаалт хийхгүй. (Даатгагчийн хүсэлтээр гэрээг цуцалсан тохиолдолд энэ хэсэг хамаарахгүй бөгөөд үлдсэн хугацаанд ногдох даатгалын хураамжаас тухайн даатгалтай холбогдсон зардлыг хасаж, үлдэх хэсгийг даатгуулагчид эргүүлэн олгоно.)

ДОЛОО. ТАЛУУДЫН ЭРХ, ҮҮРЭГ

- 7.1 **Даатгагчийн эрх, үүрэг:**
 - 7.1.1 Даатгалын тохиолдол бий болсон үед нөхөн төлбөрийг хууль болон гэрээгээр тохиролцсон хугацаа, хэмжээнд олгох;
 - 7.1.2 Даатгуулагч даатгалын хураамжийг хугацаанд нь төлөөгүй байхад даатгалын тохиолдол бий болсон бол даатгагч гэрээнд заасан үүрэг хүлээхгүй.

-

7.3.5 Даатгуулагч даатгалтай тусгай зориулалтын тээврийн хэрэгслийн улсын дугаар, хөдөлгүүрийн дугаар өөрчлөгдөх, өнгө солигдох зэргээр өөрчлөлт орсон тохиолдолд даатгагчид 30 хоногийн дотор мэдэгдэн даатгалын гэрээндээ өөрчлөлт оруулах эрх үүрэгтэй.

НАЙМ. ДААТГАЛЫН НӨХӨН ТӨЛБӨР ОЛГОХ, ТООЦОХ НӨХЦӨЛ

- 8.1 Даатгалын нөхөн төлбөр олгох үйл ажиллагаа нь Монгол Улсын хууль болон тэдгээрт нийцүүлэн гаргасан журам, нөхцөл, заавар болон энэхүү даатгалын гэрээгээр зохицуулагдана.
- 8.2 Даатгуулагч нь даатгалын тохиолдлын үед дараах нөхөн төлбөрийн баримтуудыг бүрдүүлнэ:
 - 8.2.1 Даатгуулагчийн нөхөн төлбөр хүссэн өргөдөл, албан бичиг;
 - 8.2.2 Даатгалын тохиолдол бий болсныг нотлох фото зураг, видео бичлэг;
 - 8.2.3 Шаардлагатай тохиолдолд даатгалын тохиолдол бий болсон шалтгааныг тогтоосон эрх бүхий байгууллагаас гаргасан шийдвэр;
 - 8.2.4 Албан ёсны дистрибьютер, засварын төвийн үнийн санал;
 - 8.2.5 Даатгалын тохиолдол бий болсон эсэх болон нөхөн төлбөрийн хэмжээг тогтооход шаардлагатай бусад баримт, мэдээлэл;
- 8.3 Даатгалын хугацаанд олгогдох нөхөн төлбөрийн нийт хэмжээ даатгалын гэрээнд заасан даатгалын үнэлгээнээс хэтрэхгүй байна.
- 8.4 Даатгуулагчийн дараах буруутай үйлдлээр тээврийн хэрэгсэлд учирсан хохиролд дор дурдсан хувь хэмжээгээр нөхөн төлбөр олгоно. Үүнд:
 - 8.4.1 Урсгал сөрсөн, эргэх үйлдэл хийхийг хориглосон газар эргэсэн, гүйцэж түрүүлэхийг хориглосон үед гүйцэж түрүүлсэн, зөвшөөрөгдсөн хурд хэтрүүлсэн нь мэргэжлийн эрх бүхий байгууллага болон экспертийн дүгнэлтээр тогтоогдсон, зөвшөөрөгдөөгүй гэрлэн дохиогоор хөдөлгөөн хийсэн, ослын дохио болон зогсолтын тэмдэг хэрэглээгүй, түр зогсохыг хориглосон газар зогссон, зам тээврийн ослын талаар замын цагдаа болон даатгагчид нэн даруй мэдэгдэх даатгуулагчийн үүргээ биелүүлээгүй тохиолдлуудад гарсан хохирлын дүнгийн 50 хувиар олгоно. Энэ заалт нь уурхайн орчинд болсон тохиолдолд хамаарахгүй;
 - 8.4.2 Уурхайн орчинд зөвшөөрөгдсөн хурд хэтрүүлсэн нь мэргэжлийн эрх бүхий байгууллага болон экспертийн дүгнэлтээр тогтоогдсон бол гарсан хохирлын дүнгийн 80 хувиар олгоно.
- 8.5 Даатгалын тохиолдол бий болж, нөхөн төлбөр хүссэн өргөдөл, гэрээнд заасан баримтыг бүрэн хүлээн авснаас хойш ажлын 5 хоногийн дотор нөхөн төлбөрийг олгоно.
- 8.6 Даатгуулагчаас хүлээн авсан өргөдөл материал нь гэрээнд заасан нотлох баримтын шаардлага хангахгүй дутуу, эргэлзээтэй байх эсвэл тухайн асуудлаар эрх бүхий байгууллагаар хянаж шалгаж тодорхойлолт гаргуулахаар даатгагч хүсэлт гаргасан, эсвэл эрх бүхий байгууллага хянаж шалгаж шийдвэр гаргаагүй байгаа тохиолдолд 8.4 заасан нөхөн төлбөр олгох хугацаа үйлчлэхгүй.
- 8.7 Энэхүү гэрээний 7.2.4, 7.2.5-д заасан хугацааг хүндэтгэн үзэх шалтгаангүйгээр хожимдуулсан тохиолдолд даатгуулагч нөхөн төлбөр нэхэмжлэх эрхээ алдах бөгөөд тэрээр хүндэтгэн үзэх шалтгаантай байсан гэдгээ нотолсноор хугацааг сэргээнэ.
- 8.8 **Буруутай этгээдээс нэхэмжлэл гаргах.** Монгол Улсын Даатгалын тухай хуулийн 8.7, Иргэний хуулийн 443.7 дахь заалтыг үндэслэн Даатгагч нөхөн төлбөрийг олгосон нөхцөлд буруутай этгээдээс төлбөр нэхэмжлэх даатгуулагчийн эрх нь даатгалаар олгогдсон нөхөн төлбөр, түүнтэй холбогдон гарсан зардлын хэмжээгээр даатгагчид шилжинэ. Гарсан хохирлыг даатгуулагч буруутай этгээдээр нөхөн төлүүлсэн бол нөхөн төлбөрийг тэр хэмжээгээр бууруулж нөхөн төлбөр олгоно.
- 8.9 Буруутай этгээдээс хохирлыг нэхэмжлэн авах даатгагчийн эрхийг даатгуулагчийн зүгээс ямар нэгэн хэлбэрээр хязгаарласан эсвэл багасгасан тохиолдолд даатгагч даатгуулагчид олгосон нөхөн төлбөрийг тэр хэмжээгээр буцаан нэхэмжилнэ.
- 8.10 **Байгалийн гамшиг, гал, усны аюулаас хүний амь, эрүүл мэнд хохирсон, хөрөнгөнд онц их хэмжээний хохирол гарсан даатгалын тохиолдлын үед.** Даатгалын тохиолдол бүрдсэн үед талууд зохих мэргэжлийн байгууллагуудтай хамтран хохирлын шалтгаан, хэмжээг тогтоох комисс томилон ажиллах ба комиссын бүрэлдэхүүнд даатгагч, даатгуулагчийн төлөөлөгч байхаас гадна шаардлагатай бол хууль хяналт, гал, ус цаг уурын албаны төлөөлөгч зэрэг холбогдох мэргэжлийн хүмүүсийг оролцуулж болно.
- 8.11 **Зэрэг даатгагдах.** Даатгуулагч нь даатгалын зүйлийг хэд хэдэн компанид зэрэг даатгуулсан болон энэхүү даатгалын гэрээгээр олгогдох нөхөн төлбөр нь өөр даатгалын гэрээгээр мөн нөхөн төлөгдөхөөр байвал Даатгагч нь учирсан хохирлыг бүрэн хэмжээгээр хариуцахгүй бөгөөд бусад даатгалын компанитай тохиролцож хохирлын хэмжээнээс ихгүй байхаар тооцож нөхөн төлбөрийг олгоно.

ЕС. ДААТГАЛЫН НӨХӨН ТӨЛБӨР ОЛГОХООС БҮРЭН ТАТГАЛЗАХ НӨХЦӨЛ

- 9.1 Даатгагч Монгол Улсын Даатгалын тухай хуулийн 8.5 дугаар зүйлд заасан үндэслэл үүссэн болон энэхүү даатгалын онцлогоос хамаарч дараах тохиолдлуудад аливаа үүрэг хариуцлага хүлээхгүй бөгөөд нөхөн төлбөр төлөхөөс татгалзана.
 - 9.1.1 Даатгуулагч санаатайгаар хохирол учруулсан буюу даатгалын тохиолдол бий болох нөхцөл, орчныг санаатайгаар бүрдүүлсэн;
 - 9.1.2 Даатгуулагч даатгалын зүйлийн талаар даатгагчид худал мэдээлсэн, хуурамч бичиг баримт бүрдүүлсэн нь тогтоогдсон;
 - 9.1.3 Гарсан хохирлыг даатгуулагч буруутай этгээдээр нөхөн төлүүлсэн;
 - 9.1.4 Хууль тогтоомжид заасан бусад үндэслэл;
- 9.2 Даатгалын тохиолдол мөн эсэх нь нотлогдоогүй буюу нотлогдох боломжгүй болсон.
- 9.3 Дайн, үймээн самуун, Ажил хаялт, террорист болон улс төрийн шинж чанартай үйл ажиллагаа, гэмт халдлага, нийгмийн эмх замбараагүй байдал, бослого, төрийн захиргааны байгууллагын акт шийдвэр зэргийн улмаас үүссэн нөхцөл байдал, улс төрийн тэмцэлд оролцсоноос үүссэн;
- 9.4 Байлдааны зэвсэг хэрэглэх, цөмийн дэлбэрэлт, цацраг идэвхт бодис буюу туяаны нөлөө, цөмийн хаягдал, цөмийн зэвсгийн материал, цөмийн шатахуунаас гарах радио идэвхт бохирдол юм уу үүнээс үүсэх ионжсон цацраг түүний үр дагавар;
- 9.5 Хууль зөрчиж гэмт хэрэг хийснээс үүдсэн хохирол түүний үр дагавар;
- 9.6 Даатгалын гэрээ байгуулсан боловч даатгуулагч даатгалын хураамжийг гэрээнд заасан хугацаанд төлөөгүй байхад даатгалын тохиолдол үүссэн бол;
- 9.7 Машин механизм болон тусгай зориулалтын машин механизмыг тухайн ангиллын жолоодох эрхгүй этгээд жолоодсон, эрхээ хасуулсан үедээ жолоодсон, эрүүл мэндийн хувьд жолоо барих шаардлага хангахгүй этгээдээр жолоо бариулсан үед учирсан хохирол.
- 9.8 Машин механизм болон тусгай зориулалтын машин механизмыг согтуугаар эсвэл мансууруулах бодис хэрэглэсэн, санаатай гэмт хэргийн зорилгоор хууль бусаар ашиглах үед үүссэн хохирол;
- 9.9 Даатгалын зүйлийг жолооны сургалтын зориулалтаар ашиглах, ан ав хөөх, уралдаан тэмцээнд оролцуулах, тээврийн хэрэгслийн хурдыг тогтоосон хязгаараас хэтрүүлэх, тээврийн хэрэгслийн хүч, туулах чадварыг турших;
- 9.10 Үйлдвэрлэлийн гаргасан гологдлын улмаас учирсан хохирол;
- 9.11 Техник тоног, төхөөрөмжийн ашиглалтын горим зөрчсөн, техник аюулгүй ажиллагааны шаардлага хангаагүйгээс үүссэн хохирол;
- 9.12 Ажил, техникийн хүчин зүйлээс хамаарсан машин механизмд учирсан хохирол (зэврэлт, шохойжилт).
- 9.13 Эвдэрхий болон засварын ажиллагаа дуусаагүй тоног төхөөрөмжийг ашигласнаас эсвэл ашиглалтад үргэлжлүүлэн оруулснаас үүдэлтэй хохирол.
- 9.14 Үйлдвэрлэгч, нийлүүлэгч, угсрагч, угсралт, ашиглалт, өөрчлөлт, үйлчилгээ, засварын зааварлагчийн зааврыг зөрчсөнөөс үүдэлтэй хохирол.
- 9.15 Гэнэтийн осол тохиолдоогүй үеийн үйлчилгээний урсгал зардал.
 - 9.15.1 Дараах зүйлийн талаарх хохирол эсвэл эвдрэл:
 - a. Чийдэн, зай хураагч, өрөм, хэрчигч, хөрөө, билүү, угаагч, дугуй, боолт, уяа гэх мэт тогтмол солин хэрэглэх сэлбэгүүд,
 - b. Шатахуун, тослогоо, химийн бүтээгдэхүүн, хөргөгч шингэн болон бусад туслах материалууд,
- 9.16 Гэрээнд тусгайлан заагаагүй бол Монгол улсын нутаг дэвсгэрээс гаднах хохирол хамаарахгүй.

АРАВ. ГЭРЭЭНИЙ ХАРИУЦЛАГА, НУУЦЛАЛ

- 10.1 Талууд гэрээний хугацаанд ажил үүргийн шаардлагаар олж мэдсэн, эзэмшиж, ашиглаж байсан баримт бичиг, мэдээ материал болон талуудын бизнесийн ашиг сонирхолд шууд болон шууд бус хамааралтай компанийн болоод харилцагчийн үйл ажиллагаатай холбоотой бүх төрлийн мэдээлэл, даатгалын хэмжээ, төлбөр, тооцоо, бусад үзүүлэлтүүд, байгууллага, хувь хүний нууц, ноу-хау зэргийг хуульд зааснаас бусад тохиолдолд задруулахгүйгээр хугацаагүй чанд хадгална.
- 10.2 Даатгуулагч нь даатгалын нөхөн төлбөр авах зорилгоор нотлох баримтыг хуурамчаар үйлдсэн, бүрдүүлсэн бол даатгагчаас гэрээг цуцалж, хариуцлага хүлээлгэхээр баримтыг хуулийн байгууллагад шилжүүлнэ.
- 10.3 Даатгалын нөхөн төлбөрийн материалыг бүрэн хүлээн авсан болохоо даатгуулагчид мэдэгдэж хариу өгснөөс хойш гэрээний хугацаанд нөхөн төлбөр олгоогүй тохиолдолд иргэний хуулийн 232.6 дахь хэсэгт заасны дагуу хоног тутамд гүйцэтгээгүй үүргийн үнийн дүнгийн 0,5 хувиар алданги тооцож олгоно.

АРВАН НЭГ. БУСАД





- 11.1 Талууд энэхүү гэрээг хэрэгжүүлэхдээ Монгол Улсын хууль тогтоомжид заагдсан эрхийг эдэлж, үүрэг хүлээнэ. Энэхүү гэрээг Монгол хэлээр хууль зүйн хувьд адил хүчинтэй 3 эх хувь үйлдэж талууд нэг нэг хувийг хадгалав.
- 11.2 Талууд харилцан тохиролцож гэрээнд нэмэлт өөрчлөлт оруулж болох ба энэ нэмэлт өөрчлөлтийг энэхүү гэрээнд зөвхөн бичгээр оруулж гарын үсэг зурж баталгаажуулснаар хүчин төгөлдөрт тооцно.
- 11.3 Энэхүү гэрээ түүний гүйцэтгэлтэй холбоотой асуудлаар талуудын хооронд маргаантай асуудал үүсвэл, юуны өмнө эв зүйгээр шийдвэрлэхийг эрмэлзэнэ. Хэрэв ийнхүү шийдвэрлэж чадахгүйд хүрвэл талууд Монгол Улсын шүүхэд хандаж шийдвэрлүүлнэ.

НӨХӨН ТӨЛБӨРИЙН АЛБАТАЙ ХОЛБОГДОХ УТАС, ХАЯГ:

Хаяг	Шуурхай албаны утас	Гэрээ хариуцсан менежер	Э-Шуудан
МОНГОЛ УЛС, Сүхбаатар дүүрэг 1-р хороо, Нью Хоризонс барилга 8 давхар 802 тоот	+976 – 7210-1010	У.Тэмүүжин Утас: 9990-6859	Temuujin@agula.mn



“АГУУЛА ДААТГАЛ” ХХК.
“ТИ ТИ ЖИ ВИ СИ ОУ” ХХК.
PM0031442 24/24

Хавсралт I



д/д	Марк модель	Улсын дугаар	Арьлын дугаар	Үнэлгээ	Хураамжийн хувь	Хураамжийн дүн	Даатгал эхлэх хугацаа	Даатгал дуусах хугацаа
1	ТТJVCО L350H VOLVO LOADER L00013	0072YP	VCЕL350HT00003051	2.035.885.802.96	0.2%	4,071,771.61	2024/07/31	2025/07/30
2	ТТJVCО L350H VOLVO LOADER L00012	0071YP	VCЕL350HC00003050	2.035.885.802.96	0.2%	4,071,771.61	2024/07/31	2025/07/30
3	ТТJVCО L350H VOLVO LOADER L00011	0070YP	VCЕL350HP00003049	2.035.885.802.96	0.2%	4,071,771.61	2024/07/31	2025/07/30
4	ТТJVCО CAT 16M3 GRADER/ CATERPILLAR	0040YP	CAT0016MKF9Y00382	2,545,053,772.47	0.2%	5,090,107.54	2024/07/31	2025/07/30
5	ТТJVCО EXCAVATOR EX5600E-6LD	5511YB	HCMKCB91L00003015	24,084,650,610.00	0.2%	48,169,301.22	2024/07/31	2025/07/30
6	ТТJVCО EXCAVATOR HITACHI EX3600E-6LD/ЭКСКАВАТОР	4333YH	HCM18U00C00001340	16,325,992,800.00	0.2%	32,651,985.60	2024/07/31	2025/07/30
7	ТТJVCО NTE240 /ӨӨРӨӨ БУУJIT AГЧ /HT0015/	0965TTA	NHLEBA4KHHB100036	9,188,891,242.81	0.2%	18,377,782.49	2024/07/31	2025/07/30
8	ТТJVCО NTE240 /ӨӨРӨӨ БУУJIT AГЧ /HT0014/	0964TTA	NHLEBA4KLHNB100035	9,188,891,242.81	0.2%	18,377,782.49	2024/07/31	2025/07/30
9	ТТJVCО NTE240 /ӨӨРӨӨ БУУJIT AГЧ /HT0013/	0963TTA	NHLEBA4KAHNB100034	9,188,891,242.81	0.2%	18,377,782.49	2024/07/31	2025/07/30
10	ТТJVCО NTE240 /ӨӨРӨӨ БУУJIT AГЧ /HT0012/	0966TTA	NHLEBA4KVNB100033	9,188,891,242.81	0.2%	18,377,782.49	2024/07/31	2025/07/30
11	ТТJVCО NTE240 /ӨӨРӨӨ БУУJIT AГЧ /HT0006/	5059TTA	NHLEBA4KLJB100042	9,349,252,161.27	0.2%	18,698,504.32	2024/07/31	2025/07/30
12	ТТJVCО NTE240 /ӨӨРӨӨ БУУJIT AГЧ /HT0007/	5060TTA	NHLEBA4KAJB100041	9,349,252,161.27	0.2%	18,698,504.32	2024/07/31	2025/07/30
13	ТТJVCО NTE240 /ӨӨРӨӨ БУУJIT AГЧ /HT0008/	5058TTA	NHLEBA4KVJB100040	9,349,252,161.27	0.2%	18,698,504.32	2024/07/31	2025/07/30
14	ТТJVCО NTE240 /ӨӨРӨӨ БУУJIT AГЧ /HT0009/	5057TTA	NHLEBA4KLJB100039	9,349,252,161.27	0.2%	18,698,504.32	2024/07/31	2025/07/30
15	ТТJVCО NTE240 /ӨӨРӨӨ БУУJIT AГЧ /HT0010/	5056TTA	NHLEBA4KAJB100038	9,349,252,161.27	0.2%	18,698,504.32	2024/07/31	2025/07/30
16	ТТJVCО NTE240 /ӨӨРӨӨ БУУJIT AГЧ /HT0011/	5055TTA	NHLEBA4KVJB100037	9,349,252,161.27	0.2%	18,698,504.32	2024/07/31	2025/07/30



ACULA

АТҮЛ А.А.АТҮЛ АТҮЛ

17	ТТJVC	TR 100 DUMP TRUCK/ӨӨРӨӨ БҮҮJIT АТЧ	0836TTA	NHLR3AVDPHB000992	2.241.652.797.70	0.2%	4.483.305.60	2024/07/31	2025/07/30
18	ТТJVC	TR 100 DUMP TRUCK/ӨӨРӨӨ БҮҮJIT АТЧ	0835TTA	NHLR3AVDVHBB000996	2.241.652.797.70	0.2%	4.483.305.60	2024/07/31	2025/07/30
19	ТТJVC	TR 100 DUMP TRUCK/ӨӨРӨӨ БҮҮJIT АТЧ	0833TTA	NHLR3AVDJB000994	2.241.652.797.70	0.2%	4.483.305.60	2024/07/31	2025/07/30
20	ТТJVC	TR 100 DUMP TRUCK/ӨӨРӨӨ БҮҮJIT АТЧ	0832TTA	NHLR3AVDHHB000999	2.241.652.797.70	0.2%	4.483.305.60	2024/07/31	2025/07/30
21	ТТJVC	TR 100 DUMP TRUCK/ӨӨРӨӨ БҮҮJIT АТЧ	0831TTA	NHLR3AVDJB001000	2.241.652.797.70	0.2%	4.483.305.60	2024/07/31	2025/07/30
22	ТТJVC	TR 100 DUMP TRUCK/ӨӨРӨӨ БҮҮJIT АТЧ	0830TTA	NHLR3AVDLHB000998	2.241.652.797.70	0.2%	4.483.305.60	2024/07/31	2025/07/30
23	ТТJVC	TR 100 DUMP TRUCK/ӨӨРӨӨ БҮҮJIT АТЧ	0829TTA	NHLR3AVDAHB000997	2.241.652.797.70	0.2%	4.483.305.60	2024/07/31	2025/07/30
24	ТТJVC	TR 100 DUMP TRUCK/ӨӨРӨӨ БҮҮJIT АТЧ	0827TTA	NHLR3AVDCHB001001	2.241.652.797.70	0.2%	4.483.305.60	2024/07/31	2025/07/30
25	ТТJVC	TEREX MT4400 / АЧААНБЫ МАШИИИ МТ4400	1150TTA	MH641	3.999.275.459.27	0.2%	7.998.550.92	2024/07/31	2025/07/30
26	ТТJVC	TEREX MT4400 / АЧААНБЫ МАШИИИ МТ4400	6395YHX	MH525	2.655.099.660.29	0.2%	5.310.199.32	2024/07/31	2025/07/30
27	ТТJVC	TEREX MT4400 / АЧААНБЫ МАШИИИ МТ4400	6908YHX	526	2.803.394.386.69	0.2%	5.606.788.77	2024/07/31	2025/07/30
28	ТТJVC	TEREX MT4400 / АЧААНБЫ МАШИИИ МТ4400	7547YHX	527	2.639.807.049.62	0.2%	5.279.614.10	2024/07/31	2025/07/30
29	ТТJVC	TEREX MT4400 / АЧААНБЫ МАШИИИ МТ4400	1281YHX	524	3.862.010.018.94	0.2%	7.724.020.04	2024/07/31	2025/07/30
30	ТТJVC	EXCAVATOR-Shandong Lingong E6550F	2950YP	VLGE655IFLN0600345	797.587.677.50	0.2%	1.595.175.36	2024/07/31	2025/07/30
31	ТТJVC	QY70K-I CRANE/ABTOCPAH	9891YHJI	LXGCPA437HA011332	802.982.142.39	0.165%	1.324.920.53	2024/10/01	2025/07/30
32	ТТJVC	KAWASAKI 957V WHEEL BULLDOZER / ДУТУЙТ БҮJИ/ДОЗЕР (KAWASAKI 957V)	2713YBЧ	97C49097	188.899.784.93	0.165%	311.684.65	2024/10/01	2025/07/30
33	ТТJVC	CAT D8 bulldozer/б/ь.дозср	5947YB	AKA01242	300.000.000.00	0.165%	495.000.00	2024/10/01	2025/07/30
34	ТТJVC	CAT D6 bulldozer/б/ь.дозср	6536YH	BLT00190	300.000.000.00	0.165%	495.000.00	2024/10/01	2025/07/30
35	ТТJVC	LIEBHERR R984 EXCAVATOR / ЭКСКАВАТОР (LIEBHERR R984)	3013YB	28457	605.068.688.41	0.165%	998.363.34	2024/10/01	2025/07/30



36	ТТJBCO	ЛIEBHERR R984 EXCAVATOR / ЭКСКАВАТОР (LIEBHERR R984)	3619YB	28461	573,877,364.52	0.165%	946,897.65	2024/10/01	2025/07/30
37	ТТJBCO	FORKLIFT CPCD50-WX6K /АВТО АЧЫГУ СӨРЭГЭГЭН	2144YH	010501S9951	64,720,766.17	0.165%	106,789.26	2024/10/01	2025/07/30
38	ТТJBCO	GRADER XCMG /Агропроцедер	6688YH	XUG30030CJDB00021	1,107,862,572.39	0.165%	1,827,973.24	2024/10/01	2025/07/30
39	ТТJBCO	LOADER LUGONG CLG855N/ДУГУЙТ АЧЫГУ	2514YB	CLG855NL1600699	124,450,848.70	0.165%	205,343.90	2024/10/01	2025/07/30
40	ТТJBCO	BEIBEN TRUCK / ТОСОЛТООНЫ МАШИН	1726YAK	LBZF46FA4LA004001	121,171,959.17	0.165%	199,933.73	2024/10/01	2025/07/30
41	CR19	XCMG L.W600K V LOADER	0313YB	XUG0600FHLCB00892	388,154,893.53	0.2%	776,309.79	2024/07/31	2025/07/30
42	ТТJBCO	ТЕРЕХ ТR100 DUMP TRUCK/АЧААНЫ МАШИН	0328YBЧ	LA9R3AVD37BNHLL090	647,976,668.59	0.165%	1,069,161.50	2024/10/01	2025/07/30
43	ТТJBCO	ТЕРЕХ ТR100 DUMP TRUCK/АЧААНЫ МАШИН	0358YBЧ	LA9R3AVD57BNHLL088	639,271,767.33	0.165%	1,054,798.42	2024/10/01	2025/07/30
44	ТТJBCO	ТЕРЕХ ТR100 DUMP TRUCK/АЧААНЫ МАШИН	5473YBП	LA9R3AVD38BNHLL069	753,494,230.22	0.165%	1,243,265.48	2024/10/01	2025/07/30
45	ТТJBCO	ТЕРЕХ ТR100 DUMP TRUCK/АЧААНЫ МАШИН	6713YBП	LA9R3AVD69BNHLL264	769,442,688.14	0.165%	1,269,580.44	2024/10/01	2025/07/30
46	ТТJBCO	ТЕРЕХ ТR100 DUMP TRUCK / АЧААНЫ МАШИН (ТЕРЕХ TR100)	4731YEM	LA9R3AVD99BNHLL260	423,817,683.74	0.165%	699,299.18	2024/10/01	2025/07/30
47	ТТJBCO	ТЕРЕХ ТR100 DUMP TRUCK / АЧААНЫ МАШИН (ТЕРЕХ TR100)	4731YEV	LA9R3AVDA88NHL228	477,887,826.02	0.165%	788,514.91	2024/10/01	2025/07/30
48	ТТJBCO	ТЕРЕХ ТR100 DUMP TRUCK / АЧААНЫ МАШИН (ТЕРЕХ TR100)	9452 YKO	LA9R3AVDIABNHL337	592,801,897.28	0.165%	978,123.13	2024/10/01	2025/07/30
49	ТТJBCO	ТЕРЕХ ТR100 DUMP TRUCK / АЧААНЫ МАШИН (ТЕРЕХ TR100)	2613 YAE	LA9R3VD29BNHLL259	559,613,323.20	0.165%	923,361.98	2024/10/01	2025/07/30
50	ТТJBCO	BEIBEN CRANE TRUCK	Дугаар авааруу байгаа	LBZF46FA6RA001416	571,160,241.38	0.165%	942,414.40	2024/10/01	2025/07/30
51	ТТJBCO	BEIBEN NORTH BENZ / ТОСОЛТООНЫ МАШИН	1549YKA	LBZF46GB1RA002173	232,058,725.00	0.165%	382,896.90	2024/10/01	2025/07/30
52	ТТJBCO	CAT D9T BULLDOZER /TWG00909/	0204YB	CAT00D9TCTWG00909	2,518,398,257.35	0.2%	5,036,796.51	2024/07/31	2025/07/30
Нийт дүн					189,367,941,492.58₮		375,286,087.27₮		



Гэрээний эхлэх хугацаа: 2024 оны 07 дугаар сарын 31-ний өдрийн 00:00 цагаас
Дуусах хугацаа: 2025 оны 07 дугаар сарын 30-ны өдрийн 24:00 цаг хүртэл.
АТAS959 5554537
902100096
Дээтгачийн төлөөлж.

Зуучлагчийг төлөөлж:


А. АРИУНЗАЯА /
УТЭМҮҮЖИН /

Даатгуулагчийг төлөөлж:


QING CHANG /
УЛАНБААТАР

